


177674

RESPONSORIA
EQVITIS POLONI
IN SVECIA
 degentis
 ad
AMICUM IN POLONIA.



3 maj 1700

Bukowski 1775

172674
I
GENEROSE DOMINE
Amice plurimum observande.



Extus jam agitur annus, ex quo mihi nihil de Te innotuit, ubi Locorum hæeres, ut mutuum illud Literarum inter nos aulæ militiæq; olim Socios commercium, continuari potuisset. Eo gratiores mihi fuere literæ tuæ d. 18. Martii Varsavia ad me datæ, quibus non tantum de felici tuo in Patriam ex Saxonia reditu, sed & de salute, inprimis autem de constanti in Patriæ tuæ vera commoda voluntate & Zelo, certior factus sum. Hoc mihi desideratius quicquam contingere non potuit, præsertim, cum curam & sollicitudinem tuam pro Serenissimæ Reipubl: Vrx: incolumitate eo ipso satis declares, dum significari tibi a me cupis, an Serenissimæ Reipubl: Vrx: novis hisce cum Svecia emergentibus turbis, & flagranti bello à Svecicis armis aliquid periculi immineat. Delicata res est, nec facile penetrantur Regum animi, præsertim si enormi injuria affecti ad justam irritantur vindictam. Sed cum me haud nimis à consiliis aulæ scias remotum, voluntati tuæ, ex debito adhuc Patriæ amore, quem etiam sub rigido Boreæ cœlo, cui fata me adstrinxerunt, con-

contracto heic felici matrimonio, illibatum retinere
constitui, deesse non possum. Certum equidem est,
Sac. Reg. Majest. Sveciæ iniquissimo hoc bello gravi-
ter offensam esse, & constituisse, omnes regni sui ner-
vos intendere, ad defendendos subditos suos & vin-
dicandam illam, qua innoxii afflictii sunt, vim & in-
juriam. Sed cum Sacræ Regiæ Majestati satis per Mi-
nistros suos in Aula Polonica non ita pridem versatos
constet, omnia hæc inconsulta Republ. cæpta & patra-
ta esse, ideo Sacra Reg. Maj. Sveciæ omni in id fertur
studio, ut Sereniss. Respubl. ab hoc belli malo penitus
intacta maneat. Testantur id Sac. Reg. Maj. literæ ad
Eminentissimum Dn. Primatem & Illustriss. Senatores
& Ordines Regni Poloniæ datæ, quibus S. R. M. be-
nevolum suum in Sereniss. Rempubl. Vram. affectum
satis superq; declarat. Testantur idem literæ Serenis-
simi Dni. Electoris Brandenburgici, quæ proum in
Sereniss. Rempubl. Vram. amorem, & constantem in
conservanda cum eadem pace & amicitia propensio-
nem fusius exponit. Hoc tibi vero in aurem & sub Sa-
cro silentii umbone credere ausim, S. R. M. Sveciæ su-
premo Militiæ duci in mandatis dedisse, ut omnibus
modis evitet, ne Ser. Reipubl. Polonica vel Mag. Du-
cat. Lith. & Ducatus Curlandiæ ditiones lacestat, vel
aliquid molestiæ inferri patiatur. Confidit enim Sac.
Reg. Maj. Sereniss. Rempubl. Vram. nec directè nec
indirectè se hisce turbis immixturam. Persuasiones

equi-

equidem largitiones, ostentata Regni incrementa non deerunt, quibus in consensum, societatem & auxilium injustissimi hujus belli allicere satagent malè fidi illius autores; sed major est Serenis. Reipubl. constantia, quam ut his succumbat illecebris, & tam periculosis aures præbeat Consiliis, ut se suamq; salutem & quod maximum est, pretiosissimum illud Libertatis avitæ diadema præsentissimo exponat periculo, quam hætenus cum universi orbis stupore non minori prudentia quam fortitudine sartam tectamq; conservavit, & ad posteritatem transmittere allaborabit. Habet sanè quod sibi caveat Seren. Res publica, nunquam enim majoribus Libertatem patriæ expositam fuisse insidiis pro ea, quæ pollet, sagacitate lenit. Inventus in regni viscera peregrinus miles, & variis prætexendi artibus hætenus vel retentus vel reductus. Rupta sunt legum vincula, & extortum belli & pacis arbitrium, inaudito hætenus ausu. Cætera tibi judicanda relinquo. Facite ne nimis serò sapiatis, & ne Regnum cum libertate vendidisse videamini. Quod super est omnibus a te precibus contendo, ut me de Concluso Senatus Consilii, quod jam haberi vel brevi futurum esse fama huc perlatum est, deniq; quid de Comitibus, si quæ futura sunt, expectandum certiore reddas. DEus servet dulcissimam Patriam nostram Salvam & incolumem, id quod, animitus pro sincero in Patriam affectu apprecor. Dabantur Holmiæ Svecorum d. 3. Maij 1700.

